



Ciasa de Palsa Ojöp Frëinademetz A.P.S.P.

Seniorenwohnheim Ojöp Frëinademetz Ö.B.P.B

Residenza per Anziani Ojöp Frëinademetz A.P.S.P.

39030 St. Martin in Thurn/San Martino in Badia - Str. Pinis 50

**tel. 0474/524700 - fax 0474 523050 - e-mail: info@ciasadepalsa.it
cod. fisc. - Steuer-Nr.: 81005490214 - partita IVA - Mwst-Nr.: 00554690214**

La Ciasa de Palsa Ojöp Frëinademetz A.P.S.P. scri fora n concurs por la seleziun de n inom por le bar publich nü y la respetiva realisaziun de n logo

Art. 1 – Le promotur

Le comitënt y organisadú dl concurs é la Ciasa de Palsa Ojöp Frëinademetz A.P.S.P., str. Pinis, 50; 39030 S. Martin de Tor.

Art. 2 – Oget dl concurs

L'oget dl concurs é la seleziun de **n inom** por le bar publich nü y la respetiva realisaziun de **n logo**.

Art. 3 – L'obietif dl concurs

L'obietif dl concurs é chël de chirí fora n inom por le bar publich nü che gnará daurí te Ciasa de Palsa. Le bar, che sará da ciafé al'entrada dla Ciasa de Palsa a S. Martin de Tor, déss diventé n zënter sozjal, n post d'incuntada da sté saurí, olache les generaziuns s'incunta, olache residënc dla strotöra rüva adöm cun jënt da defora, olache le personal pó passé sôa palsa.

Te n'atmosfera familiara, désson chiló podëi se bëre y se mangé val de pice o ince ma passé le tēmp deboriada pro na ciacolada o val passatēmp.

Art. 4 – La sort dl concurs

Le concurs vëgn realisé te na fasa sora y é davert a döta la jënt residënta tla Val Badia al momënt dla tomanza dl concurs. Vigni partezipant pó dé jö alplü döes propostes, atramënter vëgnel/a stlüt/a fora.

Art. 5 – Descriziun y documentaziun damanada

- **L'inom** dess ester por ladin y al dess respidlé le spirit dla Ciasa de Palsa Ojöp Frëinademetz
- **Le logo** dess avëi dimensciuns 1:1, 4:3 o 16:9 y dess ester saurí da tó ca por laurs d'imaja (stampa y.i.i.).
Al mëss gní dé jö na stampa sön A4 y n file .pdf sön tlé USB.
- Descriziun dl'idea che stá doía
- Detlaraziun dl'autur dla metüda a desposiziun ala Ciasa de Palsa Ojöp Frëinademetz di dërc d'adoranza

Art. 6 – Termo de presentaziun

Les propostes sön papier, contignüdes te na busta stlütä cun lassura la sora indicaziun 'CONCURS INOM Y LOGO BAR', mëss gní dá jö te Ciasa de Palsa – Ufize cumpres, **anter les 12.00 di 12.04.2024**. Les propostes y düc i documënc, sciöche ince la busta che i contëgn, ne pó nia ester firmada y ne pó contigní degünes indicaziuns che pois identifiché la porsona che mëna ite la proposta. L'inom, la misci-

un, n contat mail y n numer de telefonn mëss gní metü te na busta stlûta a pert cun la sora indicaziun 'Identité', che vëgn metü tla busta adüm ala proposta.

Al fin dla presentaziun vel la data y l'ora dl protocol de entrada. Al ne vëgn nia conzedü presentaziuns plö tert. Do le termo dé dant ne podará les proposes dades jö nia plö gní mudades fora o integrades cun d'atri documënc. Mudaziuns eventuales pó gní damanades al davagnadú do la definiziun dla gradatöra por adeguamënc a eventuales nezescités dla direziun. Chëstes mudaziuns ne pó nia mudé l'impostaziun y le conzet originar dla proposta.

La proposta dl'inom y dl logo cun le file respetif definitiv mëss ester a disposiziun de chësta aministrazion anter i 30.04.24.

Art. 7 – Condiziuns

Vigni partezipant pó dé jö alplü döes proposes.

La partezipaziun al concurs comporta l'azetaziun incondizionada de dötes les clausoles dl concurs da pert dl partezipant.

Art. 8 – Valutaziun dles proposes

Les proposes gnará ejaminades da na comisciun metüda adüm da 1 n mëmber dl Consëi d'Aministrazion, 1 n mëmber dla direziun, 1 n rapresentant dl personal y 1 n rapresentant di residënc.

Les proposes vëgn valutades sot l'aspet dl'originalité (20 punc), dl conzet (20 punc) y dla sauridanza da adoré le logo tla vita da vignidé (20 punc).

La dezijiun dla comisciun, respetivamënter la gradatöra che resultëia dala valutaziun, é definitiva y ne é nia sindacabla. Al ne gnará fat dopormez degöna revijiun dl prozedimënt y conzedü degun control. Le prozes legal vëgn stlüt fora.

Art. 9 – L'ofize por le coordinamënt

Le promotur dl concurs é responsabl por le coordinamënt. Por dötes les informaziuns sön l'concurs él poscibl da contaté la direziun dla Ciasa de Palsa Ojöp Frëinademetz A.P.S.P.

Art. 10 – Conclujiuns

Le partezipant che davagna le concurs ciafa € 600,00, le secundo classifiché € 400,00 y le terzo classifiché € 200,00 sciöche retüda dles spëises (cutes inclusives).

LE DIRETUR

ERLACHER Valentin